




Broj: 11-05/01-11-12013-1/26
Sarajevo, 09.04.2026. godine

OPĆINA VOGOŠĆA

Vogošća
Sarajevo
Jošanička 80

PREDMET: Sportska dvorana

Poštovani,

Ministarstvo za odgoj i obrazovanje Kantona Sarajevo zaprimilo je Vaš akt broj: 02-11-sl/26 od 26.03.2026. godine u vezi sufinansiranja projekta dogradnje sportske dvorane u okviru JU OŠ "Zahid Baručija".

Shodno Vašem upitu, informišemo Vas da Ministarstvo ne može preuzeti obavezu sufinansiranja izgradnje i održavanja sportske dvorane, koja nije predviđena Odlukom o pedagoškim standardima i normativima u osnovnoj i srednjoj školi. Napominjemo da izgradnja sportske dvorane podrazmijeva dosta veću finansijsku investiciju u sam objekat, kao i veće režijske troškove.

Pored navedenog podsjećamo i na nemogućnost angažmana dodatnih ljudskih resursa, jer postojeći propisi za angažman tehničkog osoblja podrazumijevaju održavanje 600m² po jednom radniku za održavanje higijene. Sve ovo je jasno definisano **Pedagoškim standardima i normativima za odgoj i obrazovanje u osnovnoj i srednjoj školi** ("Službene novine Kantona Sarajevo", br.: 3/25 i 29/25) - Dio 12. Broj i struktura ostalog osoblja za podršku funkcioniranja i rada škole, tačka 6.4 koja glasi: "Ukoliko prosječna površina (ukupna unutrašnja površina koja se održava/ukupan broj radnika na održavanju higijene iz prethodnih stavki 5. i 6.) čiju higijenu treba održavati jedan radnik na održavanju higijene prelazi 600 m², dodaje se radnik na održavanju higijene 1 izvršilac".

Stoga Vas još jednom pozivamo da postojeći projekat sportske dvorane prilagodite odredbama Pedagoških standarda i normativa za odgoj i obrazovanje u osnovnoj i srednjoj školi.

Takođe podsjećamo da Ministarstvo za odgoj i obrazovanje u narednom period mora uložiti dodatni napor u osiguranju finansijskog okvira za kapitalni projekat izgradnje objekta nove osnovne škole u naselju Rosulje, koja predstavlja najprioritetniji kapitalni projekat u oblasti odgoja i obrazovanja za Općinu Vogošća.

S poštovanjem,



Dostaviti:

1. Naslovu
2. Arhiva



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba